

**KJKP "VODOVOD I KANALIZACIJA" d.o.o. SARAJEVO**  
**v.d. DIREKTOR**  
**Izvod broj : 139/20**

Sarajevo, 09.03 2021. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14) ), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 139/20 od 24.02.2021. godine, u postupku javne nabavke br. 139/21 „**Laboratorijska oprema i hemikalije za PPOV Butila**“ donosi se :

**ODLUKA**  
o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj 139/20 od 24.02.2021. godine i ugovor za javnu nabavku roba : „Laboratorijska oprema i hemikalije za PPOV Butila“ – tender broj 139/20 dodjeljuje se ponuđaču: „Controlmatik BH“ d.o.o. Sarajevo ponuda broj: 2701001-21 od 27.01.2021.godine za ponuđenu cijenu od **19.409,13 KM bez PDV-a**, kao najbolje ocijenjenom.

**Član 2.**

Prijedlog ugovora o nabavci dostaviti će se na potpis izabranom ponuđaču „Controlmatik BH“ d.o.o. Sarajevo po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 3.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : OP 139/20 od 28.12.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 30.000,00 KM.

Obavještenje o nabavci broj : 247-1-1-7-3-6/21 poslato je na objavljivanje na Portal javnih nabavki dana 05.01.2021. godine, a sažetak obavještenja o nabavci objavljen je u Sl. glasniku BiH broj : 1. od 08.01.2021. godine.

Komisija za javnu nabavku imenovana je Rješenjem br. 50/20 od 25.06. 2020 godine i dodatni članovi komisije imenovani dopunskim Rješenjem br. 139/20-1 od 28.12. 2020 godine.

Komisija za javnu nabavku dostavila je dana 03.03.2021.g. Preporuku o izboru najpovoljnijeg ponuđača broj 139/20 u postupku javne nabavke roba: „Laboratorijska oprema i hemikalije za PPOV Butila“ - tender broj 139/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:  
Za predmetnu javnu nabavku dostavljena je jedna (1) ponuda ponuđača:

1. „Controlmatik BH“ d.o.o. Sarajevo

- Da je blagovremeno zaprimljena: jedna (1) ponuda ponuđača:

1. „Controlmatik BH“ d.o.o. Sarajevo

- Da nije bilo neblagovremeno zaprimljenih ponuda

Nakon izvršenog otvaranja ponuda Komisija je dana: 03.02.2021 godine pristupila pregledu i ocjeni pristigle ponude u formalnom smislu: oblika ponuda (numeracija, uvezivanje i dr.), cjelovitosti odnosno potpunosti ponuda.

Konstatovano je da je ponuda ponuđača „Controlmatik BH“ d.o.o. Sarajevo uvezana prema zahtjevima iz tačke 17.1.1 - tenderske dokumentacije – Čvrsti uvez ponude.

Daljim pregledom ponude Komisija je konstatovala da je ponuđač numerisao ponudu na način da su numerisani listovi ali ne i stranice ponude. Tačkom 17.1.3. tenderske dokumentacije - „Numerisanje ponude“ je definisano: Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji, a sve prema članu 8. stav (7) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).

Komisija je utvrdila da dostavljena ponuda ponuđača „Controlmatik BH“ d.o.o. Sarajevo ispunjava zahtjevene tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđač
		„Controlmatik BH“ d.o.o. Sarajevo
1.	<b>Tačka 13 TD:</b> Izjava o ispunjenosti uslova iz člana 45. stav (1) tačkama od a) do d) Zakona o javnim nabavkama – Aneks IV; Prilog 3.	DA
2.	<b>Tačka 14.1. TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4.	DA
2.1.	<b>Tačka 14.1. TD:</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA
3.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.	DA

Ponudač „Controlmatik BH“ d.o.o. Sarajevo u dostavljenim dokumentima Izjava o ispunjenosti uslova iz člana 45. stav (1) tačka od a) do d) Zakona o javnim nabavkama – Aneks IV; Prilog 3. i Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4., nije upisao broj Službenog glasnika BiH.

Komisija je stava da nepopunjavanje broja Službenog glasnika BiH u navedenim izjavama u konkretnoj nabavci ne predstavlja nedostatak zbog kojeg bi ponuda trebala biti odbačena iz razloga što se iz sadržaja izjava nesporno utvrđuje da se iste odnose na predmetni postupak nabavke, te su iste uredno potpisane i ovjerene, a također je upisan tačan naziv predmeta nabavke, broj obavještenja, vrsta postupka nabavke kao i naziv ugovornog organa.

Komisija konstatuje da ponudač „Controlmatik BH“ d.o.o. Sarajevo ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtijevana dokumentacija/aneksi-prilozi	Ponudač
		„Controlmatik BH“ d.o.o. Sarajevo
1.	<b>Tačka 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 5.	DA
2.	<b>Tačka 16.TD pod 1:</b> Obrazac za ponudu – Aneks II; Prilog 1.	DA
3.	<b>Tačka 16.TD pod 1.1.</b> Popis dokumenata uz ponudu koji čini sadržaj ponude – Aneks II; Prilog 1	DA
4.	<b>Tačka 20 TD:</b> Obrazac za cijenu ponude – Aneks III; Prilog 2	DA
5.	<b>Tačka 31 i 36 TD:</b> Nacrt okvirnog sporazuma – Prilog 7.	DA
6.	<b>Tačka 31 i 37 TD:</b> Nacrt ugovora o javnoj nabavci – Prilog 8.	DA
7.	<b>Tačka 43 TD:</b> Povjerljive informacije – Prilog 6.	DA

Ponudač „Controlmatik BH“ d.o.o. Sarajevo u dostavljenom dokumentu Pismena izjava ponuđača iz člana 52. Zakona o javnim nabavkama – Aneks VIII; Prilog 5, nije naveo broj Službenog glasnika BiH.

Komisija je stava da nepopunjavanje broja Službenog glasnika BiH u navedenoj izjavi u konkretnoj nabavci ne predstavlja nedostatak zbog kojeg bi ponuda trebala biti odbačena jer se iz sadržaja izjave nesporno utvrđuje da se ista odnosi na predmetni postupak nabavke, te je ista uredno potpisana i ovjerena, a također je upisan tačan naziv predmeta nabavke, broj obavještenja, vrsta postupka nabavke kao i naziv ugovornog organa.

Komisija konstatuje da je ponudač „Controlmatik BH“ d.o.o. Sarajevo dostavio ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da je navedeni ponudač ispunio sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Računskom kontrolom ponude ponuđača „Controlmatik BH“ d.o.o. Sarajevo konstatovano je da nema računskih grešaka.

Konstatovano je da ponudač „Controlmatik BH“ d.o.o. Sarajevo nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN).

Tenderskom dokumentacijom je predviđena primjena e-aukcije, a obzirom da je pristigla samo jedna prihvatljiva ponuda. to se u skladu sa članom 3. stav (3) Pravilnika o uslovima i načinu korištenja e-aukcije (Sl. glasnik BiH broj 66/16) e-aukcija ne može zakazati, nego će se postupak okončati u skladu sa članom 69. stav (1) tačka a) Zakona o javnim nabavkama.

Vrijednost ponude ponuđača „Controlmatik BH“ d.o.o. Sarajevo iznosi: **19.409,13 KM bez PDV-a.**

Komisija jednoglasno daje prijedlog Ugovornom organu - ovlaštenom licu ugovornog organa KJKP „Vodovod i kanalizacija“ d.o.o. Sarajevo da za nabavku roba „**Laboratorijska oprema i hemikalije za PPOV Butila**“ – **tender broj 139/20** donese Odluku o dodjeli ugovora ponuđaču: „Controlmatik BH“ d.o.o. Sarajevo broj ponude: 2701001-21 od 27.01.2021 godine, čija vrijednost ponude iznosi: **19.409,13 KM bez PDV-a.**

Iz gore navedenih razloga, primjenom člana 64. stav 1. tačka b) ZJN, donesena je Odluka o izboru najpovoljnijeg ponuđača kao u članu 1. ove odluke.

#### **Pouka o pravnom lijeku :**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :  
- Ponuđaču  
- a/a



**v.d. Direktor**

Aida Pendek, dipl.ing.građ.